

02. maj 2019

UPA 2019/182

Timersortartut nuna sinnerlugu unammisartut sungiusaqatigiittarnissaminut periarfissagissaarnerulerissaat misisoqqullug Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuineri anermik angallannermut akit qaffaseqisut unamminarsinnaaneri immikkut isiginiaqquneqarput. Naalakkersuisut Timersoqatigiit Kattuffiannut, special forbundinut kiisalu allanut soqutigisaqaqatigiinnut susassaqartunut attaveqaqquneqarput siunertalarugu misissuinermut UPA2020-mit Inatsisartunut agguanneqartussamat, peqataatisinissaq.

(Inatsisartunut ilaasortaq/Medlem af Inatsisartut Nivi Olsen, Demokraatit)

Demokraatit sinnerlugit Inatsisartunut ilaasortaq Nivi Olsen siunnersuutaa imaattumik oqaaseqarfingissuarput.

Inuaqatigiit timikkut anersaakkullu peqqissut pilersinneqassappata timersornermi periarfissat annertusaavivineqartariaqarput.

Siumut isumaqarpoq nunatsinni innuttaasut sumiikkaluarunilluunniit nunaqarfinni illoqarfinnilu timersortafeqarnissaat qulakkeerniarlugu anguniagaqartariaqartugut, timersorneq tassaammat peqqinnermut pinaveersaartitsinermullu aqqtissaq pitsaanerpaaq.

Aammattaaq Siumut isumaqarpoq meerartatta tamarmik pissakitsunilluunniit angajoqqaqarluuarunik timersorsinnaanerat qulakkeerneqartariaqartoq.

Siumumi tapersorsorparput Timersornermut Højskolimik nunatsinni pilersitsioqarnissaanik suliniuteqarneq, tassuuna nunani allani timersornerup tungaatigut ilinniarfiit suleqatigalugillu ineriaartortsisoqarsinnaammat.

Ullumikkut kalaaleqatigut nunani allani unammisartut tullusimaarutigisaqaagut qanorluunniillu angusaqarluaraangata illersuinerput allanngorneq ajorpoq inuiattut ataatsimoorfigisaratsigit.

Nunatsinni timersuuitit ilai Nunarsuaq tamakkerlugu unammersuarternut aallartitsisarput angusarissaartarlutillu soorlu assersuutigiinnarlugu Tae Kwon Do-tartut allaat guldinik angerlaassisartut takusarigut.

Amerikap nunavittaaneersut nunat tamalaat PanAm Nuummi unammersuarnissaat piviusunngortinniarlugu Siumumi naalakkersuisuutitaqarnitta nalaani ilungersornikuuvugut iluatsillugulu. Tassani takuarput inuaqatigiittut qanoq ataatsimoorsinnaatignerput tamannalu nuannaarutigalugulu tullusimaarutigeqaarput.

Ukioq kingulleq Koreap kujataani OL-rtoqarmat Naalakkersuisut tapersersuinertik aningaasatiguunnaannitsoq takutippaat soorlu aamma Island Games, Arctic Winter Games sapinngisamik najuuffigineqarlutillu tapersorsorneqarluartartut.

Siumumi isumaqarpugut timersornermi angusagut suli annertunerujussuarmik siuarsarsinnaagingut, nunanut allanut unammisartuitigut suli annerusumik tapersorsorutsigit soorlu siunnersuuteqartup anguniagaatut annerusumik sungiusaqatigiittarnissaat periarfissikkutsigu.

Siumumiik taamatut oqaaseqarluta siunnersuut aappassaanneerneqartinnagu ataatsimiititaliami suliarineqarnissaa innersuupparput.

Doris Jensen Jakobsen